

Andri Franziscus moderescha Controvers

■ (rtr) *Andri Franziscus* vegn tar RTR Radiotelevisiun Svizra Rumantscha. Ils 7 da december 2014 fa el per l'emprima giada las dumondas en l'emissiun Controvers da RTR. L'Engiadinais surpiglia la moderaziun da l'emissiun da discussiun politica da *Claudio Spescha* che mida tar SRF.

Andri Franziscus era manader da Radio Grischia, schef da la moderaziun da radio 24 e lavura dapi l'onn 2000 tar SRF en differentas funcziuns. L'ultim sco producent e reporter da la Tagesschau e da 10 da las 10. Enconuschent ad in public vast è el vegnì tranter bler auter cun la moderaziun da «Tagesschau am Mittag» e cun ses rapports davart il grunding da la Swissair ed era dal process da la Swissair a Bülach.

